

Հավելված
ՀՀ առողջապահության նախարարի
2017 թվականի փետրվարի 21-ի
N 499 - Ա հրամանի

Հավելված
ՀՀ առողջապահության նախարարի
2017 թվականի փետրվարի 13-ի
N 354 - Ա հրամանի

Պ Ա Յ Մ Ա Ն Ա Գ Ի Ր Ո ՀՀ ԱՆ-ԾՁԲ-ԲԸԱՀ-ՀՎԿԾ-1

ՊԵՏՈՒԹՅԱՆ ԿՈՂՄԻՑ ԵՐԱՇԽԱՎՈՐՎԱԾ ԱՆՎՃԱՐ ԵՎ ԱՐՏՈՆՅԱԼ
ՊԱՅՄԱՆՆԵՐՈՎ ԲԺՇԿԱԿԱՆ ՕԳՆՈՒԹՅԱՆ ԵՎ ՍՊԱՍԱՐԿՄԱՆ, ՀԱՆՐԱՅԻՆ
ԱՌՈՂՋԱՊԱՀԱԿԱՆ ԵՎ ԱՌՈՂՋԱՊԱՀԱԿԱՆ ՀԱՐԱԿԻՑ ԾԱՌԱՅՈՒԹՅՈՒՆՆԵՐԻ
ՄԱՏՈՒՑՄԱՆ ՄԱՍԻՆ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՌՈՂՋԱՊԱՀՈՒԹՅԱՆ ՆԱԽԱՐԱՐՈՒԹՅԱՆ
ԱՇԽԱՏԱԿԱԶՄԻ
ԵՎ

ՀՀ ԱՆ «ՀԻՎԱՆԴՈՒԹՅՈՒՆՆԵՐԻ ՎԵՐԱՀՍԿՄԱՆ ԵՎ ԿԱՆԽԱՐԳԵԼՄԱՆ
ԱԶԳԱՅԻՆ ԿԵՆՏՐՈՆ» ՊՈԱԿ
(իրավաբանական անձի կամ անհատ ձեռնարկատիրոջ)

ՄԻՋԵՎ

Հայաստանի Հանրապետության առողջապահության նախարարության աշխատակազմը, որպես բժշկական օգնության և սպասարկման պետական պատվեր տեղադրող (այսուհետ՝ Պատվիրատու), մի կողմից, ի դեմս Հայաստանի Հանրապետության առողջապահության նախարարության աշխատակազմի ղեկավարի պաշտոնակատար Վահե Հակոբյանին, որը գործում է Հայաստանի Հանրապետության առողջապահության նախարարության կանոնադրության հիման վրա և ՀՀ ԱՆ «Հիվանդությունների վերահսկման և կանխարգելման ազգային կենտրոն» ՊՈԱԿ (այսուհետ՝ Կատարող), ի դեմս կազմակերպության գլխավոր տնօրեն Արտավազդ Վանյանի, որը գործում է «Հիվանդությունների վերահսկման և կանխարգելման ազգային կենտրոն» ՊՈԱԿ-ի կանոնադրության հիման վրա (միայն իրավաբանական անձանց դեպքում), կնքեցին սույն պայմանագիրը հետևյալի մասին.

I. ՊԱՅՄԱՆԱԳՐԻ ԱՌԱՐԿԱՆ

1.1. Պատվիրատուն հանձնարարում, իսկ Կատարողը պարտավորվում է առողջապահական պետական նպատակային ծրագրերի շրջանակներում ցուցաբերել պետության կողմից երաշխավորված անվճար և արտոնյալ պայմաններով բժշկական օգնություն և սպասարկում, հանրային առողջապահական և առողջապահական հարակից ծառայություններ (այսուհետ՝ Ծառայություն) օրենսդրությամբ նախատեսված դեպքերում դրա իրավունքը ունեցող անձանց՝ Պատվիրատուի կողմից թույլատրված Ծառայության տեսակների գծով, սույն պայմանագրի հավելված 1-ով սահմանված ծառայություններով և գներով, սույն պայմանագրի հավելված 2-ով սահմանված պայմանագրային գումարի շրջանակներում:

II. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱՎՈՐՈՒԹՅՈՒՆՆԵՐԸ

2.1. Կատարողն իրավունք ունի.

- 2.1.1. Սույն պայմանագրով սահմանված կարգով ստանալ փոխհատուցում սույն պայմանագրի պայմաններին համապատասխան մատուցված պատշաճ ծավալի և որակի Ծառայության համար,
- 2.1.2. անհրաժեշտության դեպքում հիմնավորել Պատվիրատուին ներկայացված Ծառայության վերաբերյալ հաշվետվությունների արժանահավատությունը՝ լրացուցիչ փաստաթղթեր ներկայացնելու միջոցով,
- 2.1.3. Ծառայության պայմանագրային ծավալների ամսական համամասնությունների գերակատարման հետևանքով հաշվետու ժամանակահատվածում չներկայացված հաշվետվությունները ներկայացնել Պատվիրատուին փոխհատուցման սույն պայմանագրով հաստատված պայմանագրային գումարի շրջանակներում,
- 2.1.4. ներկա գտնվել Պատվիրատուի կողմից բժշկական կազմակերպությունում կազմակերպվող վերահսկմանը և ՀՀ օրենսդրությամբ սահմանված կարգով բողոքարկել Պատվիրատուի գործողությունները,
- 2.1.5. օգտվել պետության կողմից երաշխավորված անվճար և արտոնյալ պայմաններով բժշկական օգնության և սպասարկման ոլորտը կարգավորող իրավական ակտերով սահմանված այլ իրավունքներից:

2.2. Կատարողը պարտավոր է.

- 2.2.1. Ծառայությունն իրականացնել ամբողջ ծավալով՝ պետության կողմից երաշխավորված անվճար և արտոնյալ պայմաններով բժշկական օգնության և սպասարկման ոլորտը

կարգավորող օրենքներին, որոշումներին և ՀՀ առողջապահության նախարարի անհատական և նորմատիվ հրամաններին համապատասխան,

2.2.2. իրավական ակտերով սահմանված ժամկետներում ներկայացնել Ծառայության աշխատանքների վերաբերյալ հաշվետվություններ պայմանագրային գումարի ամսական համամասնությունների ծավալներին համապատասխան՝ սույն պայմանագրի 4-րդ հավելվածով սահմանված չափաքանակների շրջանակներում, ինչպես նաև իր կողմից իրականացվող գործունեության վերաբերյալ այլ հաշվետվություններ և տեղեկանքներ՝ համաձայն սույն պայմանագրի 3-րդ հավելվածի,

2.2.3. ապահովել սույն պայմանագրի շրջանակներում իրականացվող Ծառայության մասին տեղեկատվության հրապարակայնությունը, այդ թվում՝ բնակչության համար տեսանելի վայրում տեղադրելով համապատասխան տեղեկատվություն Ծառայության տրամադրման հետ կապված հարցերի կամ բողոքների ներկայացման կարգի մասին, ինչպես նաև ապահովել ՀՀ առողջապահության նախարարի 2014 թվականի հունվարի 21-ի N 70-Ա հրամանի պահանջներին համապատասխանող ինտերնետային կայք էջի առկայությունը, պահպանումը և պարբերական թարմացումը,

2.2.4. ՀՀ իրավական ակտերով սահմանված կարգով կազմակերպել բուժաշխատողների մասնագիտական կատարելագործումը,

2.2.5. ապահովել գոյացած ֆինանսական միջոցների արդյունավետ և նպատակային օգտագործումը՝ պահպանելով ծախսերի իրականացման հետևյալ առաջնահերթությունները.

- 1) աշխատավարձ,
- 2) հարկային պարտավորություններ,
- 3) դեղերի և բժշկական նշանակության ապրանքների գնում,
- 4) այլ ծախսեր,

2.2.6. սահմանել աշխատողների աշխատավարձը, այդ թվում՝ ըստ բուժաշխատողների տարբեր կատեգորիաների աշխատավարձի նվազագույն ամսական չափերը, ՀՀ առողջապահության նախարարի հրամաններով հաստատված՝ աշխատողների աշխատանքի վարձատրության հաշվարկման և վճարման չափորոշիչներին համապատասխան,

2.2.7. ապահովել Պատվիրատուի կողմից սահմանված կարգով և հաստատված ձևերով իրականացվող Ծառայության հաշվառումը, գրանցումը, մուտքագրումը համապատասխան հաշվետվական-տեղեկատվական համակարգերում և արժանահավատ հաշվետվությունների էլեկտրոնային տարբերակների ներկայացումը Պատվիրատուին՝ սույն պայմանագրի հավելված 3-ով սահմանված ժամկետներում և տեխնիկական չափանիշներին համապատասխան, ինչպես նաև ապահովել տեղեկատվական համակարգի սպասարկումը սեփական միջոցներով՝ հաշվետվությունների էլեկտրոնային տարբերակների անխափան ներկայացման նպատակով,

2.2.8. ներկայացված հաշվետվությունների տվյալների իսկության և արժանահավատության համար պատասխանատու է Կատարողը,

2.2.9. նախքան դեղերի և բժշկական պարագաների գնման պլանները և հայտարարությունները հրապարակվելը Պատվիրատուի պահանջով դրանք տրամադրել Պատվիրատուին,

2.2.10. հարյուր տոկոս՝ պետությանը սեփականության իրավունքով պատկանող բաժնեմաս ունեցող առողջապահական բաժնետիրական ընկերությունների համար՝ ապահովել ընկերության տարեկան զարգացման ծրագրով սահմանված ցուցանիշների, այդ թվում՝ շահութաբերության ապահովման կատարումը,

- 2.2.11. պայմանագրի գործողության ընթացքում լուծարման կամ սնանկացման գործընթաց սկսելու դեպքում դրա մասին անհապաղ գրավոր տեղեկացնել Պատվիրատուին,
- 2.2.12. Պատվիրատուի կողմից վերահսկում իրականացնելու ամբողջ ընթացքում ապահովել Պատվիրատուին անհրաժեշտ բոլոր փաստաթղթերի և այլ տեղեկատվության ներկայացումը, ապահովել Պատվիրատուի վերահսկում իրականացնող մասնագետների համար աշխատանքային պայմաններ, օժանդակել աշխատանքները ժամանակին և լիարժեք կատարելու հարցում,
- 2.2.13. կատարել Պետության կողմից երաշխավորված անվճար և արտոնյալ պայմաններով բժշկական օգնության և սպասարկման ոլորտը կարգավորող իրավական ակտերով սահմանված այլ պարտականություններ:
- 2.2.14. Պատվիրատուի կողմից սահմանված ընթացակարգով ապահովել բուժաշխատողների մասնագիտական գիտելիքների և աշխատանքային ունակությունների գնահատմանն ուղղված կազմակերպչական աշխատանքները, ինչպես նաև ընթացք տալ (իրագործել) գնահատման արդյունքների հիման վրա բուժաշխատողների մասնագիտական գիտելիքների և աշխատանքային ունակությունների կատարելագործման և աշխատողների աշխատանքային գործունեության վերաբերյալ Պատվիրատուի ներկայացրած առաջարկություններին:

2.3. Պատվիրատուն իրավունք ունի.

- 2.3.1. Ամբողջությամբ կամ մասնակի չֆինանսավորել Կատարողի կողմից հաշվետվություններով ներկայացված Ծառայության ծավալները, եթե Կատարողի կողմից բժշկական օգնություն և սպասարկում ստացող քաղաքացուն մատուցվել է ամբողջությամբ կամ մասնակիորեն ոչ պատշաճ ծավալի և որակի Ծառայություն
- 2.3.2. Կատարողի կողմից սույն պայմանագրով սահմանված միևնույն դրույթը պայմանագրի գործողության ժամկետում կրկնակի խախտելու դեպքում.
- 1) առաջարկել համապատասխան իրավասու անձին Կատարողի նկատմամբ կիրառել Հայաստանի Հանրապետության օրենսդրությամբ նախատեսված կարգապահական տույժեր,
- 2) կիրառել սույն պայմանագրով նախատեսված տույժեր, տուգանքներ և պատասխանատվության այլ միջոցներ,
- 3) միակողմանի լուծել պայմանագիրը,
- 2.3.3. յուրաքանչյուր եռամսյակին հաջորդող 15 օրվա ընթացքում քննարկել Կատարողի եռամսյակային գործունեության արդյունքները՝ Ծառայության որակը, ՀՀ կառավարության որոշումներով, ՀՀ առողջապահության նախարարի հրամաններով հաստատված դրույթների կատարումը, «թեժ գծի» միջոցով կամ այլ աղբյուրներից ստացված բողոք-դիմումները, ոչ պաշտոնական վճարումների կատարման հաստատված դեպքերը, և ելնելով քննարկման արդյունքներից՝ ՀՀ քաղաքացիական օրենսգրքի 780-րդ հոդվածի համաձայն միակողմանի լուծել պայմանագիրը,
- 2.3.4. այն դեպքում, երբ օրենքով նախատեսված կարգով օրենքի պահանջների կատարման նկատմամբ հսկողության կամ վերահսկողության կամ բողոքների քննության արդյունքում արձանագրվում է, որ գնման գործընթացում, մինչև պայմանագրի կնքումը, Կատարողը ներկայացրել է կեղծ փաստաթղթեր (տեղեկություններ և տվյալներ), կամ վերջինիս ընտրված մասնակից ճանաչելու մասին որոշումը չի համապատասխանում Հայաստանի Հանրապետության օրենսդրությանը, ապա այդ հիմքերն ի հայտ գալուց հետո Պատվիրատուն իրավունք ունի միակողմանիորեն լուծելու պայմանագիրը, եթե արձանագրված խախտումները մինչև պայմանագրի կնքումը հայտնի լինելու դեպքում գնումների մասին Հայաստանի Հանրապետության օրենսդրության համաձայն հիմք

կհանդիսանային պայմանագիրը չկնքելու համար: Ընդ որում, Պատվիրատուն չի կրում պայմանագրի միակողմանի լուծման հետևանքով պայմանագրի կողմի համար առաջացող վնասների կամ բաց թողնված օգուտի ռիսկը, իսկ վերջինս պարտավոր է Հայաստանի Հանրապետության օրենքով սահմանված կարգով փոխհատուցել իր մեղքով պատվիրատուի կրած վնասներն այն ծավալով, որը չի ծածկվում մինչև լուծումը գնման պայմանագրի կատարմամբ Պատվիրատուի ստացածով:

2.3.5. սույն պայմանագրի համաձայն, սուուգել (վերահսկել) Կատարողի կողմից բժշկական օգնության և սպասարկման շրջանակներում մատուցվող Ծառայությունների կատարման ընթացքը, ՀՀ առողջապահության նախարարի կողմից հաստատված չափորոշիչներով և Պայմանագրով սահմանված ծավալները, որակը, Կատարողի գործունեությունը բնութագրող տեղեկատվության արժանահավատությունը և ստացված ֆինանսական միջոցների արդյունավետ ու նպատակային օգտագործման ճշտությունը և իրավական ակտերով սահմանված պահանջների կատարումը և պահպանումը, սահմանել հայտնաբերված թերությունները սեփական միջոցներով վերացնելու ողջամիտ ժամկետ,

2.3.6. Կազմակերպություններում իրականացնել Ծառայության ընթացիկ մշտադիտարկման աշխատանքներ՝ ՀՀ առողջապահության նախարարի հրամանով:

2.3.7. պայմանագրով նախատեսված աշխատանքների վերահսկման արդյունքներով հայտնաբերված թերությունները վկայակոչելու և դրանց հետ կապված պահանջներ ներկայացնելու՝ աշխատանքն ընդունելուց հետո մինչև երեք տարվա ընթացքում: Սույն կետը կիրառվում է նաև կողմերի միջև մինչև սույն պայմանագրի կնքումը ծագած հարաբերությունների նկատմամբ՝ կապված նախորդ երկու տարիների ընթացքում պետության կողմից երաշխավորված բժշկական օգնության և սպասարկման ծառայությունների ձեռքբերման հետ,

2.3.8. պահանջել պայմանագրով նախատեսված տույժերի և տուգանքների վճարում,

2.3.9. օգտվել պետության կողմից երաշխավորված անվճար և արտոնյալ պայմաններով Ծառայության ոլորտը կարգավորող իրավական ակտերով սահմանված այլ իրավունքներից:

2.3.10 Միակողմանի լուծել սույն պայմանագիրը, եթե Կատարողն էականորեն խախտել է սույն պայմանագիրը: Կատարողի կողմից պայմանագիրը խախտելն էական է համարվում, եթե՝

ա) մատուցված Ծառայությունը չի համապատասխանում սույն պայմանագրով սահմանված պահանջներին,

բ) խախտվել է Ծառայության մատուցման ժամկետը,

2.3.11 Իր կողմից սահմանված ընթացակարգին համապատասխան իրականացնել Կատարողի բուժաշխատողների մասնագիտական գիտելիքների և աշխատանքային ունակությունների գնահատում և գնահատման արդյունքների հիման վրա ներկայացնել առաջարկություններ Կատարողին՝ աշխատողների մասնագիտական գիտելիքների և աշխատանքային ունակությունների կատարելագործման, ինչպես նաև աշխատողների աշխատանքային գործունեության վերաբերյալ:

2.3.12 Հունվար և փետրվար ամիսներին վճարել կանխավճար հաստատված տարեկան պայմանագրային գումարի եռամսյակային համամասնության՝ մինչև 1/3-ի չափով, իսկ մարտ ամսվանից սկսած՝ փաստացի ներկայացված աշխատանքների ծավալի չափով:

2.4. Պատվիրատուն պարտավոր է.

2.4.1. իրավական ակտերով սահմանված ժամկետներում ընդունել և ամփոփել Կատարողի կողմից իրականացված Ծառայության վերաբերյալ ներկայացված հաշվետվությունները և ներկայացնել վճարման,

2.4.2. սահմանված կարգով ապահովել ֆինանսավորման համար անհրաժեշտ փաստաթղթերի մուտքագրումը և այլ անհրաժեշտ գործողությունների կատարումը, այդ թվում հավելված 2-ով նշված ծախսային ծրագրերին համապատասխան առանձին ընդունման-հանձնման արձանագրությունների և հարկային հաշիվների կազմում՝ մինչև հաշվետու ամսվան հաջորդող ամսվա 15-ը, իսկ դեկտեմբեր ամսվա առաջին կեսի համար՝ մինչև տվյալ տարվա դեկտեմբերի 25-ը, Կատարողի կողմից սույն պայմանագրի հավելված 3-ով սահմանված հաշվետվությունների ներկայացման ժամկետների պահպանման պայմանով,

2.4.3. կատարողին ցուցաբերել անհրաժեշտ կազմակերպամեթոդական օժանդակություն, ՀՀ առողջապահության նախարարության պաշտոնական կայք-էջում ստեղծել հատուկ դարան և տեղադրել պետության կողմից երաշխավորված բժշկական օգնության և սպասարկման ոլորտը կարգավորող իրավական ակտերը,

2.4.4. կատարել պետության կողմից երաշխավորված անվճար և արտոնյալ պայմաններով բժշկական օգնության և սպասարկման ոլորտը կարգավորող իրավական ակտերով սահմանված այլ պարտականություններ:

2.4.5 գնումների դիմաց վճարումներ իրականացնելիս՝ պայմանագրով նախատեսված հիմքերի առկայության դեպքում ապահովել Կատարողի նկատմամբ տույժերի և տուգանքների հաշվարկումը և հաշվանցումը վճարվելիք գումարների հետ,

2.4.6 պայմանագրով սահմանված ժամկետում պայմանագրի արդյունքը չընդունելու կամ չմերժելու դեպքում, պայմանագրով սահմանված վերջնաժամկետին հաջորդող աշխատանքային օրը Կատարողին տրամադրել իր կողմից հաստատված հանձնման-ընդունման արձանագրությունը (պայմանագրի արդյունքը Պատվիրատուին հանձնելու փաստը ֆիքսվում է երկկողմ հաստատված փաստաթղթով՝ նշելով փաստաթղթի կազմման ամսաթիվը):

2.4.7 Կատարողի կողմից ստանձնած պարտավորությունները չկատարելու կամ ոչ պատշաճ կատարելու հիմքով պայմանագիրն ամբողջությամբ կամ մասնակի միակողմանի լուծելու մասին ծանուցումը Պատվիրատուն, «Ինտերնետով հրապարակային և անհատական ծանուցման մասին» ՀՀ օրենքի 10-րդ հոդվածի համաձայն, ուղարկում է Կատարողի պաշտոնական էլեկտրոնային փոստի հասցեով և միաժամանակ նույն օրը հրապարակում է www.gnumner.am հասցեով ինտերնետային կայքում՝ նշելով հրապարակման ամսաթիվը: Կատարողը, պայմանագիրը միակողմանի լուծելու վերաբերյալ, համարվում է պատշաճ ծանուցված՝ ծանուցումը, սույն ենթակետում նշված կայքում հրապարակվելուն հաջորդող օրվանից:

III. ՎԵՐԱՀՍԿՈՒՄ

3.1. Կատարողի կողմից սույն պայմանագրի շրջանակներում մատուցված կամ մատուցվող ծառայությունների որակի և ծավալի համապատասխանության գնահատումը սույն պայմանագրի պահանջներին իրականացվում է.

3.1.1. ՀՀ օրենսդրությամբ և ՀՀ առողջապահության նախարարի հրամանով հաստատված կարգով,

3.1.2. Կատարողի կողմից դեղերի և բժշկական պարագաների գնման նպատակով կնքված պայմանագրերի, ինչպես նաև գնման գործընթացների ընտրանքային մշտադիտարկում իրականացնելու միջոցով, այդ թվում՝ Կատարողից այդ գործարքներին առնչվող բոլոր փաստաթղթերը պահանջելով և ստանալով, ինչպես նաև մշտադիտարկման արդյունքներով բացահայտված խնդիրների շտկման նպատակով համապատասխան գործողություններ իրականացնելով՝ նախապես համաձայնեցնելով ՀՀ ֆինանսների նախարարության հետ

(վերաբերվում է միայն 50% և ավելի պետական մասնակցությամբ առևտրային և պետական ոչ առևտրային կազմակերպություններին):

IV. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

4.1. Սույն պայմանագրով Կատարողի ստանձնած պարտավորությունների չկատարման կամ ոչ պատշաճ կատարման համար պայմանագրով սահմանվում են տույժեր և տուգանքներ: Տուգանքի չափը չի կարող պակաս լինել պայմանագրի գնի 0,5 տոկոսից, իսկ տույժերի չափը՝ 0,05 տոկոսից: Ընդ որում, տույժը հաշվարկվում է օրացուցային օրերով՝ պայմանագրի չկատարված մասի գնի նկատմամբ:

4.2. Պարտավորությունների ոչ պատշաճ կատարում է համարվում նաև.

4.2.1. եթե Կատարողի կողմից Պատվիրատուին ներկայացված Ծառայության վերաբերյալ սույն պայմանագրի հավելված 3-ով նախատեսված հաշվետվություններում հայտնաբերված ոչ պատշաճ կամ ոչ արժանահավատ տեղեկություններ պարունակող հաշվետվությունների թիվը ամսական կտրվածքով կազմում է յուրաքանչյուր ձևին համապատասխան ներկայացված հաշվետվությունների 5 տոկոսը կամ ավելին,

4.2.2. Կատարողի կողմից սույն պայմանագրով նախատեսված Ծառայության ծավալները ամբողջությամբ կամ մասնակի չտրամադրելը և/կամ ոչ պատշաճ որակի Ծառայության տրամադրումը՝ Պատվիրատուի կողմից Կատարողին սույն պայմանագրի գործողության ընթացքում առնվազն մեկ անգամ գրավոր տեղեկացրել է նախազգուշացնելուց հետո նույն խախտումը կրկնվելու կամ այն չվերացնելու դեպքում:

4.3. Սույն պայմանագրի հավելված 3-ով սահմանված հաշվետվությունների ներկայացման ժամկետները խախտելու դեպքում Կատարողից ուշացման յուրաքանչյուր օրվա համար գանձվում է տույժ՝ հաշվետու ժամանակահատվածում ներկայացման ենթակա կատարողականի արժեքի 0,05%-ի չափով:

4.4. Պատվիրատուի կողմից սույն պայմանագրի 2.4.2. կետով նախատեսված ժամկետի խախտման համար Պատվիրատուի նկատմամբ յուրաքանչյուր ուշացված օրվա համար հաշվարկվում է տույժ՝ վճարման ենթակա, սակայն չվճարված գումարի 0,05%-ի չափով:

4.5. Սույն պայմանագրի շրջանակում ներկայացված հաշվետվությունների ստուգմամբ հայտնաբերված այն խախտումների գումարը, որոնք կատարվել են սույն պայմանագրի գործողության ժամանակահատվածում, Պատվիրատուն պակասեցնում է Կատարողի ընթացիկ տարվա փաստացի աշխատանքների ծավալից, իսկ սույն պայմանագրի գործողության ժամանակահատվածից դուրս հայտնաբերված խախտումների արժանագրված գումարը փոխանցվում է ՀՀ պետական բյուջեի համապատասխան հաշիվներին:

4.6. Պատվիրատուի կողմից հայտնաբերված խախտումների ճշտումը չի ազատում Կատարողին իր պարտավորությունները ոչ պատշաճ կատարելու համար պատասխանատվությունից և խախտումները վերացնելու պարտականությունից:

4.7. Տուգանքի և տույժի վճարումը Պատվիրատուին և Կատարողին չի ազատում իրենց պայմանագրային պարտավորությունները ամբողջությամբ կատարելու պարտականությունից:

4.8. Սույն պայմանագրի շրջանակում նախատեսված տուգանքները և տույժերը հաշվարկվում և վճարվում են ՀՀ օրենսդրությամբ սահմանված կարգով:

4.9. Սույն պայմանագրով չնախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվության են ենթարկվում ՀՀ օրենսդրությամբ սահմանված կարգով:

V. ԱՆՀԱՂԹԱՀԱՐԵԼԻ ՈՒԺԻ ԱԶԴԵՑՈՒԹՅՈՒՆԸ (ՖՈՐՍ-ՄԱԺՈՐ)

5.1. Սույն պայմանագրով պարտավորություններն ամբողջությամբ կամ մասնակիորեն չկատարելու համար Կողմերն ազատվում են պատասխանատվությունից, եթե եղել է անհաղթահարելի ուժի ազդեցություն, որը ծագել է սույն պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներն են երկրաշարժը, ջրհեղեղը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը, որոնք անհնարին են դարձնում սույն պայմանագրով պարտավորությունների կատարումը: Եթե արտակարգ ուժի ազդեցությունը շարունակվում է 3 (երեք) ամսից ավելի, ապա Կողմերից յուրաքանչյուրն իրավունք ունի լուծել պայմանագիրը՝ այդ մասին նախապես տեղյակ պահելով մյուս կողմին:

VI. ՊԱՅՄԱՆԱԳՐԻ ԼՈՒԾՈՒՄԸ

6.1. Սույն պայմանագիրը լուծվում է՝

6.1.1. Եթե լուծարվել կամ վերակազմակերպվել կամ սնանկ են ճանաչվել Կատարողը, որը այդ դեպքերում պարտավոր է հատուցել Պատվիրատուի կատարած բոլոր ծախսերը:

6.1.2. ՀՀ օրենսդրությամբ կամ սույն պայմանագրով նախատեսված այլ դեպքերում:

VII. ԵԶՐԱՓԱԿԻՉ ԴՐՈՒՅԹՆԵՐ

7.1. Սույն պայմանագիրն ուժի մեջ է մտնում ստորագրման պահից և գործում է մինչև 31.12.2017 թվականը: Սույն պայմանագրի պայմանները կիրառվում են կողմերի միջև 16.12.2016թ.-ից մինչև 15.12.2017 թվականը ծագած հարաբերությունների նկատմամբ, բացառությամբ Պայմանագրի 2.3.7. կետի:

7.2. Պայմանագրում փոփոխություններ և լրացումներ (պետական պատվերի շրջանակներում իրականացվող բժշկական օգնության տեսակների նորմատիվներում և գներում, Կատարողի պայմանագրային գումարներում ՀՀ առողջապահության նախարարի համապատասխան հրամաններով իրականացվող փոփոխությունները և լրացումները) կարող են կատարվել համաձայնագիր կնքելու միջոցով, որը կհանդիսանա սույն պայմանագրի անբաժանելի մասը: Սույն կետում նշված համաձայնագրի կնքումից Կատարողի հրաժարման դեպքում Պատվիրատուն կարող է միակողմանի լուծել սույն Պայմանագիրը:

7.3. Սույն պայմանագրի փոփոխման և/կամ լուծման դեպքում տվյալ պահին բուժումը դեռ չավարտած պացիենտների բուժման հետագա փոխհատուցումը իրականացնելու նպատակով, Կատարողը Պատվիրատուին է ներկայացնում պակասեցման ենթակա ծառայության մասով բուժումը շարունակող պացիենտների ցանկը և հիվանդության պատմագրերի համարները:

7.4. Կողմերի միջև վեճերը լուծվում են Կողմերի բանակցությունների միջոցով, իսկ համաձայնության չգալու դեպքում՝ ՀՀ օրենսդրությամբ սահմանված կարգով:

7.5. Սույն պայմանագրում, իսկ եթե պայմանագրի գինը գործոնային է, ապա նաև այդ պայմանագրին կից հաջորդող յուրաքանչյուր տարիներին կնքված համաձայնագրում արգելվում է կատարել այնպիսի փոփոխություններ, որոնք հանգեցնում են գնվող ծառայությունների ծավալների կամ, ձեռք բերվող գնման առարկաների միավորի գնի կամ պայմանագրի գնի արհեստական փոփոխման:

7.6. Պայմանագրի կողմերից անկախ գործոնների ազդեցությամբ Պայմանագրի փոփոխման դեպքերը սահմանում է Հայաստանի Հանրապետության կառավարությունը:

7.7 Պայմանագիրը չի կարող փոփոխվել կողմերի պարտավորությունների մասնակի չկատարման հետևանքով կամ ամբողջությամբ լուծվել կողմերի փոխադարձ համաձայնությամբ՝ բացառությամբ Հայաստանի Հանրապետության օրենսդրությամբ սահմանված կարգով տվյալ գնումը կատարելու համար անհրաժեշտ ֆինանսական հատկացումների նվազեցման դեպքերի: Ընդ որում, պայմանագրի կողմերի պարտավորությունների մասնակի չկատարման կամ ամբողջությամբ լուծման կողմերի փոխադարձ համաձայնությունն անհրաժեշտ է ձեռք բերել նախքան Հայաստանի Հանրապետության օրենսդրությամբ սահմանված կարգով տվյալ գնումը կատարելու համար անհրաժեշտ ֆինանսական հատկացումների նվազեցումը: Ընդ որում, արգելվում է միևնույն բյուջետային տարվա ընթացքում նույն ապրանքի, աշխատանքի կամ ծառայության ձեռքբերման նպատակով նախատեսել ֆինանսական միջոցներ:

7.8. Սույն պայմանագրից ծագած Կողմի վճարային պարտավորությունը չի կարող դադարել այլ պայմանագրից ծագած՝ հակընդեմ պարտավորության հաշվանցով, առանց Կողմերի գրավոր և կնիքով հաստատված համաձայնության: Սույն պայմանագրից ծագած պահանջի իրավունքը չի կարող փոխանցվել այլ անձի առանց պարտապան Կողմի (<< ֆինանսների նախարարության) գրավոր համաձայնության:

7.9. Սույն պայմանագիրը և նրան կից հավելվածները կազմված են հավասար իրավաբանական ուժ ունեցող երկու օրինակից, որոնցից մեկը գտնվում է Պատվիրատուի, մյուսը՝ Կատարողի մոտ:

VIII. ԿՈՂՄԵՐԻ ՀԱՍՑԵՆԵՐԸ, ԲԱՆԿԱՅԻՆ ՎԱՎԵՐԱՊԱՅՄԱՆՆԵՐԸ ԵՎ ԱՏՈՐԱԳՐՈՒԹՅՈՒՆՆԵՐԸ

Պատվիրատու՝ ՀՀ առողջապահության նախարարություն	Կատարող՝ «Հիվանդությունների վերահսկման և կանխարգելման ազգային կենտրոն» ՊՈԱԿ
Հասցե՝ Երևան, Կառավարական տուն 3	Հասցե՝ ք.Երևան, Հերացի 12
Սպասարկող բանկ՝ ՀՀ ՖՆ աշխատակազմի վարչություն գործառնական	Սպասարկող բանկ՝ «Արդշինբանկ» Արաբկիրի մասնաճյուղ
Բանկային հաշիվ՝ 900011001873	Բանկային հաշիվ՝ 2471201669930000
ՀՎՀՀ 02507171	ՀՎՀՀ 02625503
ՀՀ առողջապահության նախարարության աշխատակազմի պաշտոնակատար՝ Լևոն Հակոբյան	«Հիվանդությունների վերահսկման և կանխարգելման ազգային կենտրոն» ՊՈԱԿ գլխավոր տնօրեն՝ Արտավազդ Վանյան
(ստորագրություն)	(ստորագրություն)
16 02 2017 թ.	16 02 2017 թ.

ՑԱՆԿ

Պետության կողմից երաշխավորված անվճար և արտոնյալ պայմաններով բժշկական օգնության և սպասարկման, հանրային առողջապահական հարակից ծառայությունների գների

(տարածաշրջանի և բժշկական կազմակերպության անվանումը, կողը)				
Ծառայության կողը	Ծառայության տեսակը	Չափման միավորը	Միավորի գինը (դրամ)	Գումարը (դրամ)
07.04.01.05	Բնակչության սանիտարահամաճարակային անվտանգության ապահովման և հանրային առողջապահության ծառայություններ, այդ թվում՝			2875716700
	Նորմատիվներ			
	Ըստ բնակչության թվի			
	Ք.Երևան	1բն.հաշվով	200	
	Մարզեր	1բն.հաշվով	400	
	Հեղափոխություններ			
1	Մանրէաբանական հեղափոխություններ			
1.1	Խմելու ջուր, բաց ջրամբարների և լողավազանների ջուր /բացի աղիքային ախտածին մանրէներից/, սննդային հումք և սննդամթերք, սննդի հետ շփվող արտադրանք, օծանելիքային դիմահարդարման և հարդարման միջոցներ, դեղորայք և այլն	1 հետազ.	1500	
1.2	Լվացուկ /այդ թվում/ ախտահանման և մանրէազերծման որակի հսկողության վերաբերյալ	1 հետազ.	500	
1.3	Օդ	1 ցուցանիշ	2000	
1.4	Հող	1 ցուցանիշ	1500	
1.5	Կլինիկական և այլ ախտաբանական նյութեր /թարախ, մեզ, խորխ, պունկտատ, կրծքի կաթ և այլն հետազոտություն, օդակաթիլային վարակների ախտորոշում /մինինգիտ, դիֆթերիա, կապույտ և հարկապույտ հազ/, հետազոտություն ստաֆիլոկոկերի, ստրեպտոկոկերի, պնևմոկոկերի և այլ ախտածին և պայմանական ախտածին մանրէների վերաբերյալ	1 նմուշ	3000	
1.6	Մանրէաբանական հետազոտություն աղիքային վարակների վերաբերյալ /հիվանդներ և կոնտակտավորներ, առողջացածներ/, հակամանրէային պատրաստուկների նկատմամբ զգայնության որոշում	1 նմուշ	2000	
1.7	Ստաֆիլոկոկի /այդ թվում/ կանխարգելիչ/ ախտածին սնկերի և այլ մանրէների վերաբերյալ /1 հարուցիչ վերաբերյալ/ հետազոտություն /ինչպես նաև քանակական/	1 հետազ.	800	
1.8	Դիսբակտերիոզի, էնտերոպաթոգեն, աղիքային ցուպիկի վերաբերյալ ախտորոշիչ հետազոտություններ, հեմոկուլտուրայի հետազոտություններ և այլն մանրէազերծության որոշում, հետազոտություններ լիստերիաների, կամպիլոբակտերիաների, իերսինիաների /նաև արտաքին միջավայրում/ և աճեցման համար հատուկ պայմաններ և սնուցող	1 նմուշ	4000	

	միջավայրեր պահանջող այլ ախտածին մանրէների վերաբերյալ ,շճաբանական հետազոտություններ / տիֆ-պարատիֆային և այլ վարակների ' ներառյալ ՊՀԱՌ , ՈՒՀԱՌ և այլն/, հետազոտություններ սննդային թունավորակների ժամանակ / 1 վարակի վերաբերյալ/			
1.9	Հետազոտություններ աղիքային վարակների բացիլակրության վերաբերյալ	1 հետազ.	1200	
1.10	Ջրում կոլիֆագի, աճի համար հատուկ պայմաններ և լրացուցիչ սելեկտիվ և ախտորոշիչ միջավայրեր պահանջող մանրէների, աղիքային ախտածին մանրէների առկայության որոշում	1 հետազ.	4000	
1.11	Բոտուլիզմի ախտորոշում և հաստատում (չեզոքացման ռեակցիա՝ պոլիվալենտ շիճուկով)	1 հետազ.	15000	
1.12	Բոտուլիզմի ախտորոշում և հաստատում (չեզոքացման ռեակցիա՝ մոնովալենտ շիճուկներով տիպի որոշում)	1 հետազ.	20000	
2	Հարուկ վրանգավոր վարակների նկատմամբ հեղազոտություններ			
2.1	Շճաբանական հետազոտություններ հատուկ վտանգավոր վարակների /բրուցելլոզ,բժավոր տիֆ,տուլարեմիայի/ նկատմամբ	1 նմուշ	3000	
2.2	Սիբիրախտի վերաբերյալ մանրէաբանական հետազոտություն	1 հետազ.	10000	
2.3	Էպիզոոտոլոգիական հետազոտություններ	1 հետազ	37240	
2.4	Ժանտախտի և էրիզիպելիդի վերաբերյալ / կրծողների շրջանում/	1 հետազ	8700	
2.5	Տուլարեմիայի վերաբերյալ / կրծողների շրջանում/	1 հետազ	7380	
2.6	Լեպտոսպիրիոզի վերաբերյալ	1 հետազ	4850	
2.7	Աղիքային իերսինիոզի վերաբերյալ	1 հետազ	6330	
2.8	Հետազոտություններ խղիւրայի /բաց ջրամբարների, գետերի ջրերի, խմելու ջրի,կղանքի, կեղտաջրերի/ նկատմամբ	1 նմուշ	12800	
2.9	Հյուսվածքաբանական և հիստոքիմիական հետազոտություն /պրիոնի նկատմամբ/	1 հետազ	17700	
3	Մակաբուժաբանական հեղազոտություններ			
3.1	Շրջակա միջավայրի /մրգեր,բանջարեղեն,խմելու ջուր,բաց ջրամբարների ջուր,հողի/ հետազոտություններ	1 նմուշ	2000	
3.2	Ախտորոշիչ, կանխարգելիչ մակաբուժական հետազոտություններ հելմինթների և նախակենդանիների նկատմամբ	1 հետազ.	900	
3.3	Շրջակա միջավայրի օբյեկտներից /առարկաներ, մակերեսներ/ վնասվածքների սանիտարամակաբուժաբանական հետազոտություններ, արտազատված հատվածների հետազոտություններ	1 նմուշ	500	
3.4	Շճաբանական հետազոտություններ (էփինոկոկոզի, լեյշմանիոզի, ամեոբիազի, լամբլյոզի, տոքսոպլազմոզի, կիպտոսպորիդիոզի վերաբերյալ) ինունոֆերմենտային թեստ համակարգով	1 նմուշ	6000	

3.5	Մալարիայի պատրաստուկների հսկողական հետազոտություն	1 հետազ.	1000	
4	Միջադարձական հետազոտություններ			
4.1	Բոնիֆիկացիոն աշխատանքներ՝ շինության և բաց ջրամբարների մշակում	1 քառ...մ	25	
5	Սանիտարա-քիմիական հետազոտություններ			
5.1	Տոքսիկ տարրերի ֆիզ.քիմիական հետազոտություններ	1 ցուցանիշ	1500	
5.2	Թունաքիմիկատներ, միկրոտոքսիններ, հակաբիոտիկներ և այլն	1 խումբ	3000	
5.2	Օդի հետազոտություն	1 հետազ.	2000	
6	Վիրուսաբանական լաբորատոր հետազոտություններ			
6.1	Վիրուսաբանական հետազոտություններ	1 հետազ.	6000	
6.2	Հետազոտություններ իմունոֆերմենտատիվ մեթոդով	1 հետազ.	6000	
7	Հետազոտություններ մոլեկուլյար կենսաբանական մեթոդով/ ՊՇՌ/	1 հետազ.	10000	
8	Իմունոկանխարգելման աշխատանքներ, իմունոպարասպուրոկների բաշխում	1 դոզա	100	
9	Ճառագայթաբանական հետազոտություններ	1 հետազ.	3000	
10	Այլ իմունոպարասպուրոկների ձեռք բերում (փաստացի ձեռք բերման գներով)	1 դոզա		
11	Վարակիչ հիվանդությունների օջախների ախտահանում	1 օջախ	9300	

Ծանոթություն. Վարակիչ հիվանդությունների մեկ օջախի ախտահանման մակերեսը ընդունել 60 քմ:

*/Հափման միավոր սյունակը լրացվում է ըստ անհրաժեշտության
Պատվիրատու՝ **Կատարող՝**

ՀՀ ԱՆ աշխատակազմի ղեկավարի
 պաշտոնակատար՝

Գլխավոր տնօրեն՝



Վահե Հակոբյան



Արտավազ Կանյան Կ.Տ.

Բաժին, խումբ, դաս, ծրագիր	Ծառայության և սպասարկման ծրագրի անվանումը	Չափման միավոր	Թվաքանակ	2017 թվականի պայմանագրային գումար
	ԸՆԴԱՄԵՆԸ-որից			
07.04.01.05	ՀԱՆՐԱՅԻՆ ԱՌՈՂՋԱՊԵՎԱԿԱՆ ծառայություններ, այդ թվում՝			
	Բնակչության սանիտարահամաճարակային անվտանգության ապահովման և հանրային առողջապահության ծառայություններ			2 875 716,7
	Ըստ բնակչության թվաքանակի	բնակիչ	2993900	982640
1	Մանրէաբանական հետազոտություններ	հետազ.	300000	390000
2	Հատուկ վտանգավոր վարակների նկատմամբ հետազոտություններ	հետազ.	64815	765336
3	Մակարածաբանական հետազոտություններ	հետազ.	45325	40611
4	Միջատաբանական հետազոտություններ	հետազ.	320000	68800
5	Սանիտարա-քիմիական հետազոտություններ	հետազ.	229000	304885
6	Վիրուսաբանական հետազոտություններ	հետազ.	2400	14400
7	Հետազոտություններ մոլեկուլյար կենսաբանական մեթոդով/ ՊՇԸ/	հետազ.	6500	65000
8	Իմունոկանխարգելման աշխատանքներ, խնունդապատաստուկների բաշխում	դոզա	1588145	158815
9	Ծառագայթաբանական հետազոտություններ	հետազ.	200	600
10	Այլ իմունոպատաստուկների ձեռք բերում (փաստացի ձեռք բերման գներով)	դոզա	0	0
11	Վարակիչ հիվանդությունների զոջախների ախտահանում	օջախ	9100	84630
07.06	ԱՌՈՂՋԱՊԵՎԱՀՈՒԹՅՈՒՆ (այլ դասերին չպատկանող)-որից			

Պատվիրատու
ՀՀ ԱՆ աշխատակազմի ղեկավարի պաշտոնակատար՝

Գրառ
Մանր Հակոբյան


Արտավազդ Վանյան



ՑԱՆԿ

իրավական ակտերով սահմանված կատարողի կողմից պատվիրատուին ներկայացվող հաշվետվությունների

Յուրաքանչյուր ամսվա և եռամսյակի համար մինչև հաշվետու ժամանակաշրջանի հաջորդող ամսվա 5-րդ աշխատանքային օրը՝	1) ՀՀ ֆինանսների նախարարի 2015 թվականի ապրիլի 1-ի N 179-Ն հրամանի N 1 հավելվածով հաստատված հանձման-ընդունման արձանագրությունը, 2) Հայաստանի Հանրապետության առողջապահության նախարարի հրամաններով հաստատված այլ հաշվետվությունները: 3) ՀՀ առողջապահության նախարարի 2014 թվականի փետրվարի 20-ի N 297-Ա հրամանով հաստատված Ծառայության ընդունման-հանձնման ակտը (եռամսյակային, աճողական)
---	--

Պատվիրատու	Կատարող
ՀՀ առողջապահության նախարարության աշխատակազմի ղեկավարի պաշտոնակատար՝ Վահե Հակոբյան	«Հիվանդությունների վերահսկման և կանխարգելման կենտրոն» ՊՈԱԿ գլխավոր տնօրեն՝ Արտավազդ Վանյան
 (ստորագրություն)	 (ստորագրություն)
201 թ..	201 թ..



Պայմանագրային գումարի կատարման ամսական համամասնություններ*

N	Ծրագրի անվանումը	2017թ պայմանագրային գումարի կատարման ամսական համամասնություններ ըստ ամսիների՝ ընդ որում											
		մոխիդուս	մոխիստգի	տմոյ	լվմոմ	ոլմոյ	ոլդուս	ոլիս	ոստոսո	մզմզտոմզո	մզմզտիս	մզմզմո	մզմզոմո
	Բնակչության սանիտարահամաճարակային անվտանգության ապահովման և հանրային առողջապահության ծառայություններ		16,9%	25,4%	35,7%	46,1%	56,4%	63,8%	71,2%	78,7%	85,8%	92,9%	100%

*/ Տոկոսները ներկայացված են աճողական կարգով

Վճարման ժամանակացույց*

N	Ծրագրի անվանումը	2017թ նախատեսվում է ֆինանսավորել ըստ ամսիների՝ ընդ որում											
		գազաբաշխարար	մոխիդուս	մոխիստգի	տմոյ	լվմոմ	ոլմոյ	ոլդուս	ոլիս	ոստոսո	մզմզտոմզո	մզմզտիս	մզմզմո
	Բնակչության սանիտարահամաճարակային անվտանգության ապահովման և հանրային առողջապահության ծառայություններ	%	16,9%	25,4%	35,7%	46,1%	56,4%	63,8%	71,2%	78,7%	85,8%	92,9%	100%

*/ Տոկոսները ներկայացված են աճողական կարգով

Պատվիրատու՝ ՀՀ առողջապահության նախարարություն	Կատարող՝ «Հիվանդությունների վերահսկման և կանխարգելման ազգային կենտրոն» ՊՈԱԿ
ՀՀ առողջապահության նախարարության աշխատակազմի ղեկավարի պաշտոնակատար՝ Վահե Հակոբյան	«Հիվանդությունների վերահսկման և կանխարգելման ազգային կենտրոն» ՊՈԱԿ գլխավոր տնօրեն՝ Արտավազ Կանյան
(ստորագրություն)	(ստորագրություն)
201 թ	201 թ

